

0.0.1 paṭhamasikkhāsuttam

1. sādhikamidaṃ bhikkhave diyaḍḍhasikkhāpadasa-
taṃ anvaddhamāsaṃ uddesaṃ āgacchati, yattha at-
thakāmā¹ kulaputtā sikkhanti. tisso imā bhikkhave
sikkhā, yatthetaṃ sabbaṃ samodhānaṃ gacchati. ka-
tamā tisso: adhisīlasikkhā adhicittasikkhā adhipaññā-
sikkhā. imā kho bhikkhave tisso sikkhā, yatthetaṃ
sabbaṃ samodhānaṃ gacchati.

2. idha bhikkhave bhikkhu sīlesu paripūrakārī hoti,
samādhismiṃ mattasokārī. paññāya mattasokārī. so
yāni tāni khuddānukhuddakāni sikkhāpadāni tāni āpaj-
jati'pi vuṭṭhāti'pi. taṃ kissa hetu? na hi mettha bhik-
khave abhabbatā vuttā. yāni ca kho tāni sikkhāpadāni
ādibrahmacariyikāni brahmacariyasārūpāni tattha dhu-
vasīlī ca² hoti ṭhitasīlī ca. samādāya sikkhati sikkhā-
padesu so tiṇṇaṃ saṃyojanānaṃ parikkhayā sotāpanno
hoti avinipātadhammo niyato sambodhiparāyaṇo.

3. idha pana bhikkhave bhikkhu sīlesu paripūrakārī
hoti samādhismiṃ mattasokārī, paññāya mattasokārī.
so yāni tāni khuddānukhuddakāni sikkhāpadāni tāni
āpajjati'pi vuṭṭhāti'pi. taṃ kissa hetu? na hi mettha
bhikkhave abhabbatā vuttā. yāni ca kho tāni sikkhā-
padāni ādibrahmacariyikāni brahmacariyasārūpāni,
tattha dhuvasīlī ca hoti ṭhitasīlī ca. samādāya sikkhati

¹[bjts] = atthakāmā + 1. attakāmā - machasaṃ.

²[bjts] = dhuvasīlī ca + 1. dhuvasīlo ca - [pts.] machasaṃ.

sikkhāpadesu. so tiṇṇaṃ saṃyojanānaṃ parikkhayā rāgadosamohānaṃ tanuttā sakadāgāmi hoti sakideva imaṃ lokaṃ āgantvā dukkhassantaṃ karoti.

4. idha pana bhikkhave bhikkhu sīlesu paripūrakārī hoti samādhismiṃ paripūrakārī paññāya mattasokārī. so yāni tāni khuddānukhuddakāni sikkhāpadāni tāni āpajjati'pi vuṭṭhāti'pi. taṃ kissa hetu: na hi mettha bhikkhave abhabbatā vuttā. yāni ca kho tāni sikkhāpadāni ādibrahmacariyikāni brahmacariyasārūppāni tattha dhuvasīlī ca hoti ṭhitasīlī ca³ samādāya sikkhati sikkhāpadesu. so pañcannaṃ orambhāgiyānaṃ saṃyojanānaṃ parikkhayā opapātiko hoti tattha parinibbāyī anāvattidhammo tasmā lokā.

5. idha pana bhikkhave bhikkhu sīlesu paripūrakārī hoti, samādhismiṃ paripūrakārī. paññāya paripūrakārī. so yāni tāni khuddānukhuddakāni sikkhāpadāni, tāni āpajjati'pi vuṭṭhāti'pi. taṃ kissa hetu? na hi mettha bhikkhave abhabbatā vuttā. yāni ca kho tāni sikkhāpadāni ādibrahmacariyikāni brahmacariyasārūppāni, tattha dhuvasīlī ca hoti ṭhitasīlī ca⁴ samādāya sikkhati sikkhāpadesu. so āsavānaṃ khayā anāsavaṃ cetovimuttiṃ paññāvimuttiṃ diṭṭhe'va dhamme sayamaṃ abhiññā sacchikatvā upasampajja viharati.

bjt page 412

³[bjts] = ṭhitasīlī ca + 2. ṭhitasīlo ca - [pts] machasaṃ.

⁴[bjts] = ṭhitasīlī ca + 2. ṭhitasīlo ca - [pts] machasaṃ.

6. iti kho bhikkhave padesaṃ padesakārī ārādheti.
 paripūraṃ paripūrakārī. avañjhāti⁵ ttevāhaṃ bhik-
 khave sikkhāpadāni vadāmī'ti.

⁵[bjts] = avañjhāti + 3. avajjhāni - [pts].